

Paasissutissanik piniarnermut atatillugu inatsisitigut tunngavissaqarnissaq qularnaarumallugu, takuuk ilanngussaq 1 formatimi nassuiarneqareersumi, kingusinnerpaamik UPA2018-mi siunnersuummik saqqummiusseqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut. Ilangussaq 1-mi taaneqartut paasissutissat eqqarsaatigalugit Naalakkersuisut peqquneqarput tamanit iserfigineqarsinnaasumik nittartaglioqqullugit paasiuminartunik naatsorsoqqissaakkanik katersanik imalimmik, tassani soqutiginnittut meeqqat atuarfiat pillugu paasissutissanik naapertuuttunik aallarsinnaalersillugit. Naatsorsoqqissaakkanik katersivik suliarineqassaaq meeqqat atuarfii ataasiakkaat naleqqiunneqarsinnaanngorlugit, imatulli sanallugu inunntu ataasiakkaanut paasissutissat pissarsiariniarneqarsinnaajunnaarlugit.

(Inatsisartunut ilaasortaq Nivi Olsen, Demokraatit)

Akissuteqaat

(Ilinniartitaaneranut, Kultureqarnermut, Iisimatusarnermut Ilageeqarnermullu Naalakkersuisoq)

Aappassaaneerpeqarnera

Naalakkersuisut ataatsimiititaliaq paasissutissanik eqiterisarneq pillugu aalajangiiffissatut siunnersuummik peqqissaartumik suliaqarsimaneranut qutsavigaa.

Iikkariartortarnermik inerikkiartornermillu naliliisarnivut naatsersueqqissaarnikkullu periaatsivut inerisarlugillu pitsanngorsarniarutsigit eqqumaffigeqqissaartuaannartariaqarparput inuit pineqarmata. Inuup ineriartornera maleruagassanut ilisserutinulluunniit tamanut atuuttunut inissikkuminaattarmat atuartitsinermi inuit ataasiakkaat ilikkariartornermut periarfissaat pisariaqartitaallu isiginiartariaqarpavut. Tassaniuna ingerlaavartumik nalilersuisarneq – siunertalimmik siumullu isigisumik – tassa atuartut ataasiakkaat atuarnerisa pitsanngorsarniarnerinut periuutsitut atorineqartilluni pitsaasuullunilu tulluartausoq.

Eqqaamajuartassavarpullu naatsorsueqqissaarnerit atuartut inaarutaasumik alloriarfinnilu misilitsinnerni angusaanik tunngaveqartut mianersoqqissaarluni atorineqartassammata – meeqqallu ineriartornerinut inerikkiartornerinullu tunngasutigut nangaassutaasinnaasut tamarmik eqqumaffigineqartassammata. Ataatsimiititaliap ilumoortumik oqaatigaa meeqqat atuarnerminni assigiinngisitaartunik aallaaveqartartut taamaammallu aamma assigiinngisitaartumik atuarnertik pissarsivigisaraat. Naalakkersuisut taamaattumik ataatsimiititaliaq isumaqatigaat nalilersuinerit inaarutaasumik angusassanik tunngaveqartut kisiisa atorlugit meeqqatta atuarnerisa pitsaassusaanik ineriartorneranullu takussutissiisoqarsinnaanngitsoq, nalileeriaatsilli nalilersueriaatsillu pitsaassutsimut tunngasut allat aamma inerisarneqarlutillu atorineqartariaqartut.

Naggataatigut ataatsimiititaliap Naalackersuisunut pitsaassutsimik nalunaarussiaasartunut eqqumaffiginninnerunissamik inassuteqaataat kommunillu peqatigalugit pitsanngorsaaqqusinerat tusaatissatut tiguaat. Naalackersuisut isumaqatigaat suliaq taamaattoq Naalackersuisut meeqqat atuarfiannik nakkutilliinerinut, innuttaasut atuarfimmi pissutsinut paasinninnissamut periarfissaannut kiisalu kommunit akornanni misilittakkanik paarlaasseqatigiinnissamut iluaqataassasoq.

Naalackersuisut taamaalillutik suli isumagaat siunnersuut itigartitsissutigineqassasoq.